


s' Junteross 4



Fir Repros, Offsetfilm,  
Satz und Gravure sinn  
mir dr rähti Spezialischt.  
Dr Werni Bachofner git  
bi Frooge gärn Uuskunft.



**PIACAG SATZ+REPROS**

**50 30 66 Hochstr. 111 4018 Basel**

NUMMERE 4

OKTOBER 1987

# s'Junteross

ISCH S HUUSBLETTLI VO DE JUNTERESSLI



Redaktion: Martina, Humm  
Bössli, Peter  
Zaichnige: Evelyne



## Liebi Junteressli

Mit dr Nummere 4 fyrt s JUNTEROSS grad dr 1-jährig Geburtsdaag! Vor eme Johr hämmer s Experimänt "Clique-Blettli" gstartet und sin mit dr Hilf vo verschidene Schrybere und Schryber guet über die erschti Rundi koo! Dass mir fir d Spalte "Gropfläärede" nie Kritik an dr Clique bikoo hänn, haisst allwäg, dass alli mit de Junteressli und em Blettli rächt zfride sin! Mr hoffe, es blybi esoo! D "Gropfläärede" bhalte mr ai-newäg by, und wär ebbis z meggere het, soll numme ungeniert zer Fäädere gryffe oder in d Taschte haue und uns schrybe!

Vor nit langer Zyt isch wider emool en Initiative fir en anderi Reegelig vo de Fasnachtsferie ergriffe worde. Verschideni Vorschleeg hetts ghaa, aine dervo wär guet gsi, nämlig zwai Wuche Fasnachtsferie gnau glych wie Baselland! Aber en Eltere-Umfroog in de Schuele isch zem Ergäbnis koo, dass d Mehrhait bi ainer Fasnachtsferiewuche wött blybe. Die Kinder, wo in ere Junge Garde sin, stehn also allewyl no im Herbscht vor dr Entschaidig, ob sy d Aamäldig fir d Fasnacht oder die fir s Skilager solle uusfille! Fir mängg Kind gits doo nur e hart Aentwäder-Oder, derwyl unseri Landschäftler Frind halt baides kenne haa! S Ergäbnis vo däre Umfroog zaigt aber au, dass die maischten Eltere doo gar kai Problem gsehn, dass ene wohrschynlig d Fasnacht au wurscht isch, will sy allwäg gar kaini Basler me sin! Vermuetlig isch d Helfti vo däne, wo z Basel Fasnacht mache, sowiso scho lang uff Landschäftler oder anderem Bode deheim, wie me das uus de Mitgליiederlyschte vo de Clique kaa gseh!

Das haisst nadyrlig au, dass d Stadt als wie meh voller Lyt isch, wo kai Ahnig vo unserer Fasnacht hänn. Wänn die derno an unserem Fescht mitmache, - und das isch ihr guets Rächt! - derno bikemme mr halt au als wie meh fremdi, anderi und unwillkommene Yfluss z gspyre. Zem Byspil falle die vyle Aagmoolte bereits uff und egglygs Fyrwärgg am Morgestraich steert die ganz Innerstadt. S Verhalte vo neye Gruppe und Zigli, wo sich zem Dail kai bitz an d Routereegelig und anderi gschribeni und ungschribeni Gsetz halte, isch nonemool e Kapitel fir sich!

D Clique - und bsunders d Stammclique - hänn doo dermit die groossi Uffgoob, d Fasnacht esoo z bhiete und z bhalte, wie mr sy gärn hänn und gwohnt sin. Mr mien das nadyrlig au unsere Junge lehre und luege, dass die unseri Basler-Art mit Witz und Gaischt kenne wytermache!

D Junteressli hänn sich zuen ere bald zwanzigjährige Stammclique entwiglet. Sy hänn vo Aafang aa uff e guet Niveau gluegt, was mr fir die erschte zäh Jahr em Lucien und em Rita z verdangge hänn! Im zwai-te Johrzähnt het dr Victor die Qualiteet no vylfach uusbaut und wyter entwiglet und das in musikalischer wie in gsellschaftlicher Hinsicht.

Mr hänn drum en ächte Plausch an unserem Clique-Clan! Und mr setzen ys no so gärn fir d Fasnacht y! Was miechte mr au ohni unseri Mändig, Zyschdig, Sitzige, Bümmel oder Oebe...?

D Redaktion



## D'Sujet - Kommission im Ysatz

No isch dr Summer nit ganz umme, dängge'mer scho wider an die nügschti Fasnacht und fiebere däm Datum entgege. Im Augschte het sich d'Sujetkommission bim Lilly dehaime zer erschte Sitzig i'gfunde und s'Resultat isch denn au kurzi Zyt speeter in alle Junteresser - Briefkäschte g'landet : DR SUJETZEEDEL FIR D ' FASNACHT '88. Leider hän nur grad nyn Stigg dr Wääg zru ggufunde, was doch e weeneli druurig isch, bi dr Greesi vo unserer Clique .. Grad dorum aber e bsundere Dangg an die, wo sich Zyt und Mieh gnoh hänn, und glatti Vorschleeg i'gschiggt hänn.

In dr Zwischezyt het sich d' Zämmesetzig vo dr Sujetkommission e weeneli gänderet, denn dr Joachim isch au bi uns vo sim Amt zru gg'trätte, und s Fränzi Bär het si Noochfolg ibernoh.

Mittlerwyle hämmer wyteri Sitzige abhalte, hänn studiert, dischpediert und ghirnt, denn wie allewyl isch d' Wahl nit aifach. Am 26. Oktober stoht den d Fasnachtssitzig uffem Programm, und mir alli hoffe, ass megligscht viel vo Eych erschiene wärde.

Nur wär kunnt, ka au si Mainig kundgäh!!!

An däre Stell no e bsunder Aalige :

Mr wäre sehr froh, wenn sich ainigi mälde wurde, zem is bi de Fasnachtsvorberaitige hälfe, und gwissi Sache z ibernäh. Uff die Art kennte meh vo Eych diräggt an de Fasnachtsvorberaitige dailha und d Arbet wurd nit immer bi de glyche Lit hängge blybe. Zuedäm kennt me uff die Art au Lyt i'scheffe, wo speeter vellicht e Boschte bi dr Sujetkommission ibernäh mechte, oder die in ihrer Arbet fir d Vorberaitige unterstitze mechte. Mir warte also uff dr Aasturm vo Arbetswietige.....

Mir gumpe wider in d Hose, damit'mer an dr Fasnachtssitzig e pffiffig Sujet und e glungene Zug presentiere kenne.



Martina



# Ju-Fä-Vo - FESCHT 12. - 14. Juni 1987

125 Jahr Jugendfescht-Verain Glaibasel  
125 Jahr Klingedalfähri  
3te Glaibasler Vogel Gryff-Marsch

## E S W A R E I N M A L .....

..... eine Fasnachtsclique mit dem vornehmen Namen JUNTERESSLI. Nach jahrelanger Passivität beschlossen deren Mitglieder, einmal als "Beizer" aufzutreten. Gelegenheit dazu bot sich ihnen am JUFÄVO-Fescht. Dieses fand an einem Juni-Wochenende des Jahres 1987 statt. Jener Sommer stand bekanntlich unter einem besonders feuchten Stern, so dass es nicht weiter verwunderlich war, dass auch das Fest-Wochenende eher unfreundlich und kühl war.

Umsichtige Leute der Clique planten und organisierten diese Premiere bis ins letzte Detail. Bei Festbeginn war alles eingereicht, nur ..... - der Grill, der die wunderbaren Fleischstücke hätte drehen sollen, funktionierte nicht, und auch die Kaffeemaschine versagte im entscheidenden Moment ihren Dienst. Dank der Improvisations-Kunst einzelner Mitglieder konnte dennoch Schweinsbraten und auch Kaffee serviert werden.

Das Servierpersonal war mit prächtigen Junteressli-Schürzen ausgestattet worden. Diese mussten über Nacht gewaschen werden. Die Heinzelmännchen hatten deshalb alle Hände voll zu tun, vor allem mit Lösen der unzähligen Bündel, die sich in der Waschmaschine ineinander verstrickt hatten.

Besagte JUNTERESSLI hatten davon geträumt, ihre Kasse - dank diesem Einsatz - ein wenig aufzustocken, aber erstens kommt es anders und zweitens als man denkt!

Und wenn sie nicht gestorben sind, übernehmen sie demnächst wieder eine Beiz an einem Basler Fest!!!

## Dambuure - Gschnääder

Vor de Summerferie simmer wie allewyl go Klöpfer bröötle. Bi lycht strömendem Räge isch dr Aadrang nit bsunders grooss gsi. Ob ächt die andere lieber uff em Droggene sitze?

Ai Abmäldig hets bi däm erwähnten Maloss gää: S Susanne het e Huuffe z glette ghaa und het sich derby dr Zeeche verstuucht! Het äs äggscht e revolutionäri Methode entwiglet?

Wie me gseht, isch dr Balz uff em Spilfäld kuum z halte. Laidër kunnt äs de Drummel-Geeqner nit immer so lycht dervoo!

Dr Victor het gsait, äs welli bi de Junge nimm drumme gää. Aer mögi nimm und usserdäm halg äs jo jetz Familie. Nach kurzem Schwyge maint s Julia: "Aah jäh?" ...



Caroline

*Zum Saison-  
auftakt war im  
Spiel der beiden  
meistgenannten  
Favoriten in der  
2. Liga Concordia  
Abschied stets  
eine Nasenspitze  
voraus. Hier  
entwisch  
Verteidiger Bigler  
seinem  
Gegenspieler*

*Foto zum*



## Pfyffer - Mischlede

Ich haa s grooss Los zoge am Pfyfferbummel und als Brys darf / muess ich jetzt iber dä Uusflug brichte:

Pinggtlig am fimf Minute vor zwelfi hämmer ys an dr Bettigerstrooss droffe. Was fir e Wunder: S Cécile isch zäh Minute z frieh doo gsi und s Käthi isch rächtzytig zum Büssli koo!

Denn simmer uff d Chrischona gfare!Vo dert isch zem Färnehdurm gange. Zem Gligg hets dert e Lift, won ys in Reportageruum uff brocht het, sunscht wäre mr immer no am Uffstig! Fazit: D Färnehpanne sin uns jetzt klar! Aber d Uussicht isch wunderbar gsi! D Jungfrau het sich allerdings numme verschleyeret zaigt! Dapfer isch au s Rita in Lift, aber sy Bluetdrugg isch in d Heechi gumpt und s Härz het gflatteret!

Uff em sichere Boden unde het sich denn alles wider gschwind greeglet, bsunders denn uff dr Chrischona-kirche-Terrasse, wo mr heerlige Glepfmoscht und ussgezeichneti gfillti Brot kredänzt bikoo hänn! (D Schweschter Regina het derby no bi de barmhärzige Brieder ihr hailig Wässerli deponiert!)

Derno hämmer dr stail Abstig dur e Wald under d Fiess gnoo, sin am Auguscht-Auguscht-Circus verby zottlet und im Katzemu-seum glandet. Noo dr Beguetachtig vo däne Vyycher hämmer im Garte vorusse scho wider die näggschi Verflähgig bikoo! D Pfyfferchefene und ihri Männer hänn ys mit Spys und Drangg verwehnt, vor allem s Anne-Käthi mit Panaché spezial! (Merci vylmool!)

Derno hets die grooss Clique-Spaltig gää: D Gruftis sin ab uffs Drämmli und die andere sin zum Niederholz marschliert. Dert hänn sy no bi dr "Konkurränz" Lööslü kauft und diggi Sache gwunne: Zem Byspil s Caroline e Katzevase! (Aecht in d Uusstyler oder als Wiehnachts-gschängg fir d Schwigermuetter??)

Vo dr Schifffländi, wo mr denn alli enander wider droffe hänn, simmer an d Klingedaalfähri bummet und iber e Rhy gondlet ins Glaibasel. Uff dr Terrasse vom Rhykäller hets derno en ussgezeichnet Nachtässe gää, di-värsi Spezialiteete in glaine Keramikdöpfli! Und nooch-här simmer no ghöglet und ghöglet bis am .....?

Anne-Käthi



## Die Junge verzelle


Sit em letschte Bricht vo de Junge im Junteross Nij 3, isch scho wieder e rächtli Zyt vergange. Aber usser de Drummel- und Pfyfferstunde wo normal stattgfunde hänn, isch in däre Summerzyt nid sehr viel los gsi.

Aber am Umzug vom Ju - Fä - Vo - Pescht hämmer dörfe mitmache. Und au wenn s'Wätter nid so het welle wie mir s'gärn ka hätte isch es glich dr Plausch gsi.

Drno sin d'Summerferie ko und mir alli hänn wieder chönne Chreft sammler fir dr bevorstehend Herbst, wo jo denn bekanntligerwys wieder meh lauft als im Summer. Wenn mr am 27. Septämber uff dr Rotberg unser Süsche ussgläse hänn, kas denn scho wieder richtig los go. Mr mien zämme Entwüf ussarbeite, Idee sammler, ummelose, ummeluege, langsam dr Stoff und Larve ussläse und bschtelle und allerhand anderi Arbete erledige. Und au das Joor simmer wieder froh, wenn uff die wichtigi Mithilf vo de Eltere dörfe zelle. Es mien jo nid immer die gliche sii wo öbbis dien alänge. Es hät sicher no e mängi Mamme oder e mängi Babbe wo nid grad zwei linggi Händ und e krumme Dume het. Wenn sich öbber agsproche fühlit und gärn würd mithälfe in irgendeere Form, ka är sich aifach bi aim vo de Vorstandsmitglieder mälde.

Balz





## Wie gohts em 50er - Clübli?

S 50er-Clübli macht sich so langsam wider uff d Sogge, zem dr Santiglaus z organisiere!  
Das Mool findet das Fescht im Hotel Krafft statt und zwor under em Motto

### BUURECHILBI !

Es sin do derzue schon e baar glatti Iberraschige barat und mr hoffe, dass alli Junteressli e bitz ebbis zer Unterhaltig kenne bytrage. Zem Byspil mit ere bsunders glungene Aaleegi zum Thema Buur und Buurefrau, Knächt, Magd, Senn, Aelpier, Fahneschwinger oder Alphornbleeser!

Me kaa koo wie me wott und losst sy Fantasy lo walte!

Nadyrlig hämmer wider dr Rolf Wagner byn ys, wo fir feyni Muusig sorgt und in Sache Buurechilbi hämmer no anderi Frind, wo e musikalische Bytrag bringe.

Au d Tombola wird ländlig und dr Chilbi entsprächend uusgeh und isch wider vo de Fuffzgerli gsponseret!

Selbverständlich kunnt dr Santiglaus au uff s Land!  
Aer isch scho fescht am Uusdiftele, was er de Junteressli alles fir Sinde wott go vorhalte ...

Uff alli Fäll: S git e tolle Ote!

Me sott sich drum scho jetz dr Samschdig, dr 5. Dezämber reserviere!

Hummi





Vereinsabzeichen und  
-signete, Siegerpreise,  
Cliquenbecher,  
Ehregaben, etc.  
Spezialanfertigungen  
nach Ihren Wünschen.  
Rasche Lieferung,  
reelle Preise,  
eigene Ateliers.

## Reimann Graveure & Co.

Clarastrasse 34, Basel  
Telefon 061/26 00 60

Das Zinn-Fachgeschäft im Kleinbasel

### *Podologie-Pédicure-Institut*

**SABINE HOCHSTRASSER**

Staatl. dipl.

Greifengasse 21 4058 Basel

Tel. 061/ 33 11 81



seit 1856  
Blumengeschäft

# Möglin

Fleurop-Interflora-Service

Ecke Klybeckstrasse 5/Florastrasse 2  
4005 BASEL. Telefon 33 58 60



Freie Strasse 5  
Haus PKZ  
2. Etage  
Tel. 25 17 75

Es git wider Gleeser und Karaffe mit em Junteressli-Signet!  
Sy sin ab sofort in dr Cliquestube Europe und im Clique-  
käller Hammerstrooss vorrätig!

|                  |               |           |
|------------------|---------------|-----------|
| Koschte dien sy: | E Wysswy-Glas | Fr. 10.-- |
|                  | e Rootwy-Glas | " 12.--   |
|                  | e Karaffe     | " 50.--   |

S Julia und s Yvonne wisse Bscheid!



## Vortrag - Dääfeli

Am 20. Juni isch dr Vortrag gon e Bummel mache.  
Dr Rhyfall z Schaffhuse isch s Zyl gsi. Wie s  
däne Vorträbler gangen isch, bi Sunneschyn und  
bi ganz zimftigem Räge, het ys dr Jean Buck  
im ene Bildergschichtli verzellt.




DR VORTRAB MACHT E BUMMEL AM SAMSTIG, 20. JUNI 1987

13 NASE FAHRE MIT



NACH


WARTE MIT



UF S'RITA VO MEILE



DENN IN DR ALTSTADT



BUSFAHRT EM RHY ENTLANG  
ZUR

Hotel Alte Scheilmühle  
in Büsingen bei Schaffhausen


Erbaut 1674



IN BÜSINGEN

SPYS UND TRANK ISCH GUET - ABER - OHO -  
MUESCH E DIGGE GÄLDSAGG MITNÄH!


ZRUGG UFF DE AIGENE



IM HEFTIGSCHTE PLATZ



KURZ VOR LAADESCHLUSS  
MUESS ME NO DROGGENI



KAUFE

ALLI-WENIGER DREY (3) -  
MACHE EN  
ABSTÄCHER ZUM




DR NIAGARA-FALL  
ISOH NUMME E GLAINE  
SPRÜTZER,  
GEGE DAS, WAS UNSER AUG  
ERBLICKT!

AU E GRATIS FAHRT



GITS IN DÄM STEDTLI

AM RÄCHTE RHYVFER ENTZANG FAHRE MIR  
HAIMZUE - MIT ALLEWYL NO NASSE



IM WARTECK GITS NO E. SCHLUMMERBÄCHER -

ZOBE AM ACHTI !!!

(DIE ANDERE FANGE UM DIE ZYT ERSCHT A!)



## Grätsch vom

## Gloria

Die Junteressli jagen zur Zeit von Ständeli zu Ständeli. Z. B. im Wenkenhof bei 40 Grad im Schatten gratulierten sie Thierry zum 40ten, (das gibt man ihm auch nicht!), nicht als Fallschirmab-springer, dennoch tönte es himmlisch! Thierry konnte es kaum glauben, dass das seine Pfyffer waren, die den 10. Vers so glockenrein intonierten ...

Als Krönung kam die Crème de la crème der Pfyffer mit einem Spezial-marsch -- das war vorher eine Aufregung: Proben, Notenständer, die klemmten, Anne-Käthi "Pfürzi", das nicht halten wollte, nasse Hände, schlotternde Knie -- Aber das Resultat war grossartig! Chapeau! ...

Am Ständeli von Jacqueline ging es hoch her. Die Junteressli wur-den von den Olympern bedient, das war einmalig! Es gab schon Fu-sionagespräche, nur weiss Gloria nicht genau in welche Richtung! Tambouren Achtzig: Sie wollen a Vreni abwerben ...

Die Jungen Junteressli haben wahrscheinlich am nächsten Gotte-halt keine Gotten mehr: Einige Olymper haben sich schon darum be-worben ...

Am andern Tag liefen schon gewisse Telefonanschlüsse heiß ...

Zum Schluss, wenn jemand unser Lisbeth mit einer Kühlboze in Richtung "Grün 80" davonschieben sieht, bitte nicht aufhalten, wahrscheinlich hat sie ein Stellidieck mit dem Dinosaurier ...

Herzliche Grüsse

Gloria



# HOTEL KRAFFT



## AM RHEIN

Rheingasse 12  
Ch-4058 Basel

Fam. Waldmeier

De JUNTERESSLI e Begriff  
fir bsunders gueti Aesse!  
Als Huus mit Gmuetligkait und Pfiff  
die richtigi Adrässe!

Tel. 26 88 77



**Glas-Dybli-Artikel**  
**neu**  
**bei A. Meyer & Co.**  
**erhältlich**



A. Meyer & Co.  
Uhren und Bijouterie  
Greifengasse 4  
CH-4058 Basel

Liebi Ritschi-Dante Gloria,

Y fang an besichte grad vo vorne an:  
Und sag Dir, was am Mittwoch so be  
z tadle gai isch oder z lobe.

Soh im Bühnau steht d' Haffe  
mit waiche Grey - ischs d'cht voruffe? -  
Nai, die vyle Fraue in dr "Mausig"  
stresse d' Männer aifach gruuzig!

Es fagt dr "Whisky Soda" prächtig  
und d' Gasse-Schyle klirre mächtig,  
vonn d' Schlegel in de stille Pause  
so uff die gepannte Drumme sause!

D' Jantressant kenne ganz guet pfeffe  
und d' Drummer us er Spil von Gryffe  
kann d' Olympier ändlig gfunde  
wi z Nitze dert am Rhyndig unde!

E Brutbaar het die gresschti Mieh,  
mit sovyi Schmütz dur d' Faibe z zieh!  
Doch jets gite nit wie allevyi  
e Glainigkeit, nai hit gite vyl!

In Ofe bacht es alti Liebi.  
Dr Christian maint: Jets seh y  
wid ets mit bi dr Youne dare -  
fall y de emind uff d' Schuare?

Dr sage do doch kaint Name,  
denn schlisselig gheeren alli zämme!  
D' Schweschter Uochi muess die pfläpe,  
wo vlen e Sagg um Stägg fige.

Dr Fricklig gepurt an unare "Sagg",  
er willooft nimm, nai, er het er paggt,  
denn nit eme Olympier wytter  
z schmuade, wilft je waichstenn wytter!

Und jetsa von e Liechte  
wo däne uff dr Pischte.

E Andrea und dr Alex tänzle  
elegant wid ohni z schwanzle  
wie dr Jölle mit Penate,  
wo als uff e Walser warte!

Au dr Christian mit de Frinde  
glaubt jets dr Hafe z finde  
vonn er kennt yne schiffe.  
Wenn D guet loosisch, heesche begriffe!

Die Frösch wönn immer wider laiche,  
wönn statt Harti (Kärm) nur e waiche!!

Ich gheer, trotz Thierry, Alex und Konsorte  
wo stillidig e Jacqueline diem behorte,  
halt ehinder zue dr schyche Sorte,  
y schdngg em darn emool e Torte!

"Bin arechte Grosskind kauf y mir e Toff,  
bringg nimm vo dar edle Gouff!"  
So sait dr Fille zue sin Hummi,  
"bi billicht do ich dr Dummi!"

"Au e Jeep wott ich mir kaufe,  
dennu muss i nimm laufe  
und gib em Glaine us em Döller  
wid wart bis er sait: Opi schindillen!"

S Jacqueline und dr Benny wänne  
wo jets aa e Liebe immer zämme.  
Sind glügglig und au bitte treu,  
zusscht schloht emind e Blitz ins Heu!

Mr danggen Eysh fir Sppe und Drink  
und sage nemool vyle Dangg.  
Härrligschet grieset us "grossen" Basel  
dr HAIGGI SEPE mit sin Gefasell!



**OLYMPIA**

## Familie - Noochrichte

Mr grateliere unsere zwai Hochzytsbaar ganz hürzlig,  
nämlich em

Muriel und Rolf Dolder - Schlotter und em

Jacqueline und Benny Zeuggin - Lehr

und winsche vyl Gligg und Säge fir d Zuekunft!

Em Susanne Walz und em Peter Bütler grateliere mr

zer Geburt vo ihrem Sohn Patrick und winsche däm  
glainé Stumpe au alles Gueti.

Em Thierry hämmer mit eme groosse Ständeli zem  
Geburtsdag grateliert und zwor esoo:



Em Thierry zem Geburtsdagsfescht im Wänkehof

Me hets wohrschynlig kenne spyre,  
- vor allem d Haimwehbasler-Gescht -  
die sehr fasnächtlig Ouvertüre  
isch unsre Gruess gsi fir Dy Pescht!

E Gruess vo Dyne Pfyffer-Schare,  
vom ganze Junteressli-Chor,  
fir Di und Dyni Jubilare  
mit Eyre 160 Jahr!



Dr Thierry - mien Ihr nämlig wisse -  
isch maischtens schön e Nundedie!  
Er dunggt alm amme sehr gerisse,  
doch mänggmool het er wider Mieh!

Zem Byspil kennt Är, s isch z begryffe,  
fir d Fasnacht die ganz Clique haat  
Doch nai, Är goht ellai go pfyffe  
und legt en ander Goschdym aa!

Das isch gnau s Glyche wie im Garte  
z Biel-Bänke, won e Schwimmbad stoht!  
Dert kesch no hitte lang druff warte,  
bis Är emool ins Wasser goht!

Aer het am Schwimme und so Sache  
vermuettlig schön e Haide-Spass,  
doch numme wenna die andre mache,  
fir ihn isch s Wasser nämlig z nass!



In Sache Sport isch är dr Dichtigscht,  
 weiss immer Bscheid, das lychtet y!  
 Nur isch s Zueluege s Allerwichtigscht  
 und sälber sportle losst är sy!

Aer het zwai Bai, doch nit zum Laufe!  
 Au tipple wär e schregglig Moess!  
 Fir das duet är en Auti kaufe  
 und goht kai Schritt, kai Meter z Fuess!

Derfir draht är mängg chice, waiche,  
 karierte Kittel allibott!  
 Karlert, das isch sy Marggezaiche,  
 doch isch är ainewäg kai Schott!

Kariert isch maischtens au d Krawatte,  
 nur glaikariert, das isch är nit!  
 Aer isch e Sydian, e glatte,  
 vor allem, wenn är pfyffe git!

Und doo het är e Draum, e groosse,  
 und gseht sich scho, mit rainschtem Doon  
 e wunderprächtig Solo bleose,  
 ellai, - mit vierzig Sousaphon!

Drum hämmir alli dänggt im Stille,  
 mir mien fir Di hit ebbis due,  
 und Dir e hitz dä Wunsch erfille,  
 nur Sousaphon hämmir nit gnue!

Au s Solo und die Zierstimm fühle,  
 wo Du ins Schwärme kunnsch derby!  
 Doch s syg, was mir zum Pfyffe wähle,  
 au so Dy Lieblingsmelodyy!



## Käller - Gschichte

No allewyl simmer am Yrichte vom Käller Hammerstrooss. Zem alles e bitz haimelig kenne z dekoriere, mechte mr alli Junteressli hürzlig bitte, uns Bilderrähme z bringe! Es kenne alti oder neyi, groossi oder glaini, holzigi oder anderi sy, dasch wurscht. Aifach Bilderrähmli!

S Delifon isch jetz au ändlig aagschlosse. Unseri Nummere isch:



JUNTERESSLI 061 / 26 92 01  
=====

Dass mr nadyrlig dä Käller au mien butze, isch jo sälbverständlich! S Yvonne het drum e Butzplan entworfe und uff däm Plan mien sich alli emool yschrybe. Mr zaigen Eych uff dr näggschte Syte, wie dä Butzplan uusgseht und hoffe, dass mr nie nie Mangel an Butzere und Butzer hänn!





# Keller-Putzplan



| Monat:    | Name:                    | 1987  | 1988 | 1989 | 1990 |
|-----------|--------------------------|-------|------|------|------|
| Januar    | Melchior + Balthasar     | 24.1. |      |      |      |
| Februar   | Rosetta + Giovanna       | 28.2. |      |      |      |
| März      | Gabriella + Rosanna      | 28.3. |      |      |      |
| April     | Rodolpho + Alberto       | 25.4. |      |      |      |
| Mai       | Kunigunde + Schwelgundia | 30.5. |      |      |      |
| Juni      | Horitz + Kaspar          | 27.6. |      |      |      |
| Juli      | Esmeralda + Juanita      | 25.7. |      |      |      |
| August    | Anneli + Ureneli         | 29.8. |      |      |      |
| September | Klarabella + Lolita      | 26.9. |      |      |      |
| Oktober   |                          |       |      |      |      |
| November  |                          |       |      |      |      |
| Dezember  |                          |       |      |      |      |

Folgende Arbeiten müssen jeweils verrichtet werden:

- 1) Lavabo + WC's reinigen, den Boden wischen und aufziehen.
- 2) Im Pfyfferkeller, die Kellertreppe, den Boden wischen und aufziehen. Tische putzen. Wenn nötig die Kissen reinigen.
- 3) Die Küchenkombination aufräumen + reinigen. Den Boden wischen und aufziehen.
- 4) Der hintere Raum, wenn nötig aufräumen. Den Boden wischen und aufziehen.

Die Kellerkommission

Uus em Glaibasler Blettli

VOGEL GRYPF

vom 16. Oktober 87

---

## D Clique – Käller

---

Regelmässig wird alli baar Jahr amme wider an de Clique-Käller umme gnäggelet. Aimool isch s dr Wirteverain, wo Mais macht, jetz isch es e Groössrootskommission, wo sich het miesse mit eme neye Wirtschaftsgesetz befasse. Nadyrlig sin wider d Clique-Käller zer Sprooch ko, und me suecht noh Meegligkaite. Jane Fasnachtler in ihre Käller doch derfe e bitz uff d Finger z drampe! Fascht kennt me maine, d Clique haige sich vo selber under e Bode in so Käller verschloffe, zem in aller Rueh kenne florierend! Baizli fiehre! Aber wemme zugg dängege kaa an die Zyt vor ebbe zwanzig Jahr, denn weiss me, dass die Clique-Käller-Entwig-

glig nit ganz freywillig vor sich gangen isch! Sälbetsmool sinn alli Clique no gliggig in irgendet e Saali von ere Baiz gsi, hänn dert kenne s Drummle und s Pfyffe iebe und gnau glych die Junge unterrichte. Uff aimool hänn schynt s die Säali und Stibli nimm rentiert und me het sy miesse verschwinde loo. Glychzytig isch me uff die fatali Pub-Idee verfallte, het die haimelige und beliebte Stammbaize umbaut und dawäg myggerig ygrichtet, dass kai Clique me e gmietigen Egge gfunde het! Zerscht sinn d Drummler und d Pfyffer in d Schuelhyser gflichtet go iebe. Aber meh und meh hänn sy ebbe au ihri Stammlokal miesse uffgah und



sinn buechstäblig uf dr Strooss gstande. Me dängg numme zrugg an die Zyte, wo s no s Staineklöschterli, die Alti Bayrischi, d Basler Kanne, die divärse Sääl und Stibli im Casino, dr Baslerstab, s Dèzaley, s Merkur usw. gää het! Au in de Quartier sinn d Wirtschafte gärn vo Verain und Clique benutzt worde, und jedes Mool hänn e Huffe Lyt Zeter und Mordio gschraue, wenn wider e Baiz mit Sääl het solle yygöo, aber ummesunscht! Me bsinnt sich grad jetz no ans letscht Byspil, ans Spalekasino in dr Allschwilerstrooss, wo erscht kirzlig zuegmacht worden isch und wo jetz au wider verschideni Verain, Clique und Muusige haimetlos worde sinn!

Under däne Umständ isch es nit z verwundere, dass d Fasnachts-Clique nach glungene Käller Umschau ghälte hänn! So 1970/71 sinn denn au die erschte scheene, haimelige und mit vyl Liebi und kinschtlerischem Gschigg yygrichtete Käller-Lokal yygweht worde! Ändlig het me wider kenne zämmehogge, ungesteert, gmietlig, an groosse Disch und erscht no mit frindlicher und frehlicher (will argener!) Bedienig! Me het drummler und pfyffe kenne und het wider Blatz gha fir die Jungi Garde und d Arbete fir d Fasnacht!

Ze selber Zyt isch aber no ebbis anders bassiert: D Restaurants in dr Innerstadt hänn nootynoo am Sunndig zuegmacht, will sich d Läbesgwohnete vo de Lyt gänderet hänn. Dasch jo gwis verständlig gsi. Aher laider sinn

e Zytlang au an de Bummelsundige die maischte Baize gschlosse blibe! Do sinn sich d Fasnächtler noone-mool versegglet vorkoo und blitzartig hänn sich d Cliquekäller vermehrt!

Jetz koschtet esoon e Käller nadyrlig au e Gäld! Und je meh Clique sone Lokal wänn, umso dyrer wird die Sach! In letschter Zyt hänn fascht alli Clique pfäffereti Uffschleg fir ihri Mieti miesse in Kauf näh, syg das jetz vo private oder staatlige Huusbsitzer. Wohrschynlig maint me an däne Ort, e Clique syg e guet Gschäft oder bikäm e Huuffe Subvention (!), und me kenn si dorum schrepfe!

Mit groossem Ysatz vo de Mitgliederwärde die Clique-Käller betribe, und das muess mindeschdens alli die hooche Unkeschte degge. Nadyrlig het mänggi Clique in däne letschte Jahr vyl Erfahrig im Bewirte vo ihrem Lokal gsamlet, und die Käller funktioniere jetz maischtens rybiglos.

Das darf me alle härzlig gunne und nit vergässe, dass ungläublig vyl Aige-Initiative, freywilligi Gratisarbet und Idealismus derhinder stägge. Und me darf au nit vergässe, dass die Käller nie in erschter Linie als Konkurrenz zue de Wirtschafte dänggi gsi, sondern schlicht und aifach notwendig worde sinn! An das alles soll me dängge, bevor me d Clique mit neye Gsetz und zueätzlige Verordnig wider emool wott schuerigle ...

*Hummi Lehi*

## Clique - Kaländer

|                   |   |
|-------------------|---|
| 26. Oktober       | Fasnachts-Sitzig im Käller<br>Hammerstrooss               |
| 3. Novämber       | Gmainsami im Käller Hammerstrooss                         |
| 9. Novämber       | d Pfyffer pfyffe in Ziri                                  |
| 30. Novämber      | Gmainsami im Käller Hammerstrooss                         |
| 5. Dezämber       | <u>SANTIGLAUS - AESSE</u><br>im Hotel Krafft              |
| 15. Dezämber      | Gmainsami im Käller Hammerstrooss                         |
| 17. Jänner 88     | Intärns Prysdrumme und -pfyffe<br>vo de Junge Junteressli |
| 20. Jänner        | Vogel Gryff   |
| 27.-30. Jänner    | Offiz. Prysdrumme und -pfyffe                             |
| 26. Jan.-7. Febr. | Charivari   |
| 8.-14. Febr.      | Drummeli  |
| 22. - 24. Febr.   | <u>FASNACHT</u>   |
| 13. März          | <u>BUMMEL</u>   |



Mr Gängge alle däne, won ys Byträg schrybe fir ins  
JUNTEROSS und mr Gängge au em Evelyne, won ys die  
glatte Helgeli derzue zaichnet!  
Nonemool mechte mr aber au em Peter Affolter  
Gänggscheen sage fir unser originells und glunges  
Junteross-Titelblatt!